

續修四庫全書



《續修四庫全書》編纂委員會編

續修四庫全書

上海古籍出版社

一〇八一・子部・藝術類

欽定祕殿珠林三編不分卷 欽定石渠寶笈三編不分卷（欽定石渠寶笈避暑山莊藏一至

南薰殿藏二）

〔清〕英 和等輯

一

石渠隨筆八卷

〔清〕阮 元撰

四一七

國朝畫識十七卷

〔清〕馮金伯撰

四九一

據清嘉慶內府抄本影印

欽定秘殿珠林三編
欽定石渠寶笈三編
七

〔清〕英和等輯

欽定石渠寶笈三編

避暑山莊藏一

高宗純皇帝御筆

畫東籬佳色辛酉一軸

擬中秋帖子詞丙寅一卷

臨十二月朋友相聞書丁卯一卷

中秋帖子詞疊前韻丁卯一卷

駐蹕波羅河屯詩丁卯一軸

中秋帖子詞三疊韻己巳一卷

哨鹿賦己巳一卷

己巳秋日即景詩一軸

素尚齋詩己巳一軸

永恬居詩己巳一軸

山中杪秋詩己巳一軸

中秋帖子詞四疊韻辛未一卷

水芳巖秀詩壬申一軸

續廬截句壬申一軸

中秋帖子詞五疊韻壬申一卷

臨樂毅論壬申一冊

夜亮木賦壬申一冊

臨王羲之六帖壬申一冊

臨淳化閣帖三則壬申一冊

千尺雪歌癸酉一卷

中秋帖子詞六疊韻癸酉一卷

後哨鹿賦癸酉一卷

卷畫牕詩癸酉一軸

臨諸家帖甲戌一冊

甲戌仲夏駐蹕避暑山莊詩一軸

仲冬再至避暑山莊即事詩甲戌一軸

中秋帖子詞七疊韻丙子一卷

臨王羲之九帖丙子一冊

風泉滿清聽詩丁丑一軸

秋熱一律 丁丑軸

中秋帖子詞八疊韻 丁丑卷

節臨爭坐帖 戊寅冊

臨高克恭雲山圖 己卯卷

中秋帖子詞九疊韻 己卯卷

過卜克打坂詩 己卯軸

中秋帖子詞十疊韻 庚辰卷

創得齋詩 庚辰軸

仿張師夔樹石 辛巳軸

駐蹕石槽遣緒詩 辛巳軸

敞晴齋即目一律 辛巳軸

出伊嗎圖口詩 辛巳軸

哨虎賦 壬午卷

後哨虎賦 壬午卷

畫春華 壬午卷

畫秋實 壬午卷

經畬書屋疊前韻詩 壬午軸

高宗純皇帝御筆畫東籬佳色 一軸

本幅宣紙本縱二尺橫一尺一寸

御筆墨畫菊花一叢下襯竹石並識

乾隆辛酉重九日駐蹕灤陽別墅偶憶東籬佳色
率筆寫之鈐寶三乾隆筆端造化

軸內分鈐

寶璽

五福五代堂古稀天子寶

太上皇帝八徵耄念之寶游六藝園

鑒藏寶璽寶笈三編石渠寶笈所藏

高宗純皇帝御筆擬中秋帖子詞 一卷

本幅紙本二幅書幅縱六寸橫一尺六寸四

分

御筆行書

擬中秋帖子詞並令內廷翰林等和之 有序 金
祇行政素吳司時蟬噪風秋臺上律披閨闔離飛
月曙樓前鏡對嬋娟於時有象西成倉箱叶萬千
之盛無邊佳景團圓正三五之宵露滿芝盤鵲鵲

高而玉繩低影氣澄蘭苑鴛鴦散而丹桂飄香不
須絃管吹開所喜篇章遞進宜春綵帖體反蘇家
儔直金鑒詞懷韓氏爰成四什各賦七言 風月
今宵非等閒等閒風月總須刪南極六星臨北闕
西華一鏡掛東山 底緣覺得好秋光桂影婆娑
華黍香試想昨年蟾窟景一秋臺分不曾匡 閭
閭即物驗嘉師圓餅雖瓜入好詩太液秋風漱金
穀不須重拓影娥池 璇霄珠露五雲樓可識春

光也讓秋試創玉堂新事例擘箋催進月詞頭

乾隆丙寅仲秋中澣養心殿御筆鈐寶三如水如

鏡即事多所欣乾隆御筆 畫幅縱八寸七分橫

二尺六寸設色畫水榭風亭瓜果杞月款臣

董邦達敬繪鈐印二臣達

引首

御書瑤臺清賞鈐寶一乾隆御筆

卷內分鈐

寶璽

太上皇帝之寶避暑山莊叢雲如如

五福五代堂古稀天子寶八徵耄念之寶璽雲用筆

在心乾隆御覽之寶

鑒藏寶璽寶笈三編石渠寶笈所藏

高宗純皇帝御臨十二月朋友相聞書一卷

本幅藏經牋本縱九寸五分橫七尺五分

御筆草書每行各有楷書釋文並識

十二月朋友相聞書 正月孟春聚會華離

經今數載音書斷絕忽隔兩年敬想履新故

當清適聊陳一酌冀敘二難仰屈高賢希垂

下顧餘人盡到惟待明公佇望光儀願無推

阻 二月仲春獻歲將終青陽應節和風動

物麗景光輝復以翠柳搖鱗紅桃結綬想弟

盤遊勝地縱賞嘉賓酌桂暗以申心翫琴書

而寫志無由披敘聚會何期謹遣一行希還

數字 三月季春芳信遠臨還同面敘披文

解意企望成勞言散未期詠情何極方今啼

鶯轉樹戲鳥繁林柳絮驚飄花飛亂影對斯

節候歎恨繁懷謹附寸心希垂尺素 四月

孟夏往昔分飛本期暫別何因一阻遂有經

年況夏時暄炎光風轉扇眷望之積伊何可言每歎川雲恒思歸便倦情不已憶念增深幸顧高明伏垂下問五月仲夏分張未遠離處已遙久絕知聞常懷歎滿今期盛夏濕熱異常不審比來如何賞納想弟池亭散志琴酒自娛寫望登樓披書悅思佇歸言諾已此申懷公門卒卒不致多具六月季夏自從分袂各處遊方既阻關河音書斷絕近聞

往信敬想為勞言展未期歎羨無似突見極熱毒氣傷人足下此時如何安適為奉言欽念想追尋謹遣一行希垂下問七月孟秋離分一日情甚三秋執別暫時心同積歲何期睽阻音響固然憂慮之勞不能己已況景悅三秋時歡七夕不任追想望觀思人謹遣數行希還一字八月仲秋還憶奉辭經今數載何期分袂遂絕知聞企望白雲心歸故

里俯思素友情想披尋況高樹吟蟬彫堂去鷓鴣遊感恩獨旅傷懷寄此深心希存來問九月季秋奉辭言展遂隔數旬時候徂秋能無馳仰青山帶地敘會無期況阻關河彌增翹軫不任追佇望親思賢謹附一行代申面及十月孟冬翔鴈孤鳴深動羈人之思飛蓬獨轉更傷旅客之悲況阻關河能無憶及相見未晚積恨為勞信至如流希歸一札

十一月仲冬秋首分飛許即相見為緣公務遂闕躬叅恨憶勞心寸陰如歲覩冰池之寫鏡云似羈愁對寒雪之凝花彌添旅思奉面未白畧畧修承十二月季冬春首分離未期兩月如何一別便阻三冬斷絕音書無慰勤積比加寒風飄雪等柳絮之驚飛不審高賢何當故里深思言會仰望成勞馳奉數行謹佇來問

董其昌月儀帖。乾隆丁卯季春下浣之八日御臨
鈐寶二。乾隆宸翰。幾暇臨池。

引首

御書鱗鴻流藻鈐寶一。乾隆御筆。

卷內分鈐

寶璽

五福五代堂古稀天子寶。八徵耄念之寶。避暑山莊
太上皇帝之寶。體仁齊物和順積中。幾暇怡情。四重得

佳趣。四重

鑒藏寶璽寶笈三編。石渠寶笈所藏。

高宗純皇帝御筆中秋帖子詞。壹前韻。一卷。

本幅紙本。二幅。書幅縱六寸四分。橫二尺二寸。

御筆行書

疊舊歲中秋帖子韻。并令梁詩正蔣溥和之。有序

羲和轉歲。仍當少昊。蕭辰塞磧。宜秋怡望。蟾
佳節。眇側峯與橫嶺。都歸朗照之中。更荔露而蘿
烟。總助廣寒之景。單椒止頓。萬暮雲披。蘭殿稱觴。

千秋山對歡同。中外翠瓜并花餅。分頒澤遠與僊
原鹿與野麋。遍及又何必中庭地白。歎秋思之誰
家。塞外草衰。感邊聲之四起者。哉。因思驚曉綵帖
報。自去年便教步韻連吟。用酬今夕。縱非彤墀瑣
闥。陪屬車者。越有鄒枚。何妨摘藻。拈毫居右座者
莫期司馬。爰成首唱。各進載賡。風清月白。好秋
閒。應節吟詩。不可刪。底事今宵輪見早。此山高外
更無山。嫦娥還守一輪光。彷彿風吹桂子香。今

夕三條銀燭下萬人昂首相雲匡 帖子宜春例
可師堆盤瓜餅入新詩。偶拈舊韻連帷裏不異秋
風太液池 籟是仙韶松是樓廣寒法曲譙中秋
便教即景龍堆畔也勝徵詞玉殿頭 丁卯仲秋
興安行營御筆鈐寶二得象外意乾隆宸翰 畫
幅縱八寸九分橫三尺五寸設色畫連帷秋
月款 臣蔣溥恭畫鈐印二臣蔣溥筆露春雨
引首

御書萬嶂清輝鈐寶一乾隆宸翰

卷內分鈐

寶璽

太上皇帝之寶避暑山莊落花滿地皆文章研露墨

雲萬有同春

五福五代堂古稀天子寶八徵耄念之寶乾隆御覽

之寶

鑒藏寶璽寶笈三編石渠寶笈所藏

高宗純皇帝御筆駐蹕波羅河屯詩一軸

本幅宣紙本縱三尺二寸橫一尺

御筆行書

涼颼獵獵裊旌旂乾鵲喧鳴霽景浮塞外山川還
似昔谷中禾黍總登秋離宮平楚依清賞金令豐
原事大蒐鱗集名藩環道左媿予何德此懷柔乾
隆丁卯仲秋上澣御題鈐寶三乾隆御書
鑒藏寶璽寶笈三編石渠寶笈所藏

高宗純皇帝御筆中秋帖子詞三疊韻一卷

本幅紙本二幅書幅縱六寸四分橫三尺六寸五分

御筆行書

疊前歲中秋帖子韻并令扈駕翰林等和之有序
向以中秋佳節適近萬壽慶辰桂筵繼介祉傳
觴綵服猶延禧具飾歡騰中外對佳夕而康祝嘏
鴻詞時際熙和巡朔塞亦咏宜秋彩帖自去歲遭

安仁之感每登樓傷貞觀之懷况乎

大安奉處顧瞻缺侍几良速值茲令節相於俯仰憶
脫簪舊侶斯誠憾矣能不愀然而虛擲良宵抑
亦難抒夙恨是以名言戒其一往梵帙喻以六如
興盡悲來固其數也悲過興繼又復宜之維時玉
宇開金風霽則見鷗行虎拜環慢城而呼九如於
以雁噴龍沙望蟾宮而臨十五屬車扈蹕粵有騁
妍抽秘之儔大漠矢音宛成弄月吟風之地例依

前歲句各新裁 評量今昔值清閑萬慮誰能一

例刪囑付中秋玉輪月照予千載塞垣山 無滓

精神不濕光澄觀只合一爐香繁絃急管從來厭

底藉名言疏讀匡 帖子宜秋我作師每教塞景

艷新詩昨來積素溶金液新沐秋蟾出玉池 高

處為居便是樓今年雁磧不孤秋東山凹處疏林

際彷彿嫦娥笑點頭 己巳仲秋木蘭行營御筆

鈴寶二漱芳潤乾隆御筆 畫幅縱九寸橫四尺

九寸設色畫層嶂一輪款 臣張若澄敬寫鈴

印二臣澄

引首

御書玉塞銀蟾鈴寶一乾隆宸翰

卷內分鈴

寶璽

太上皇帝之寶見天心落花滿地皆文章

五福五代堂古稀天子寶八徵耄念之寶體仁乾隆

御覽之寶

鑒藏寶璽寶笈三編石渠寶笈所藏

高宗純皇帝御筆哨鹿賦一卷

本幅雲龍牋本縱七寸二分橫三尺九寸

御筆行書哨鹿賦

有序 已並識

已巳仲秋木蘭行幄製御筆鈐寶二乾隆宸翰得
象外意

引首

御書體情創獲鈐寶一乾隆宸翰

卷內分鈐

寶璽

太上皇帝之寶八徵耄念之寶避暑山莊得大自在
人情為田用筆在心乾隆御覽之寶璽雲

五福五代堂古稀天子寶

鑒藏寶璽寶笈三編石渠寶笈所藏

高宗純皇帝御筆己巳秋日即景詩一軸

本幅宣紙本縱四尺七寸五分橫二尺

御筆行書

洞房雲館皆依舊前歲今朝頓不同我是遠愁來
此地翻教即景惹憂忡己巳秋日即景得句御
筆鈐寶二乾隆宸翰陶冶性靈
鑒藏寶璽寶笈三編石渠寶笈所藏

高宗純皇帝御筆素尚齋詩一軸

本幅宣紙本縱四尺一寸橫一尺七寸

御筆行書

山莊山水佳天然去雕飾是齋顏素尚古風猶可
識開牕見千峯對之有所得揮毫戒繁華

聖人示我則己巳九月題鈐寶二政在養民乾隆御

筆

鑒藏寶璽寶笈三編石渠寶笈所藏

高宗純皇帝御筆永恬居詩一軸

本幅宣紙本縱二尺九寸橫一尺三寸

御筆行書

夷峻築閒館邱壑占幽偏落葉如聽雨開簾不捲
烟景光新意趣書史舊周旋道味真無數心恬足
永年己巳九秋題永恬居作鈐寶二所寶惟賢
乾隆御筆

鑒藏寶璽寶笈三編石渠寶笈所藏

高宗純皇帝御筆山中杪秋詩一軸

本幅宣紙本縱三尺五寸五分橫一尺七寸五分

御筆行書

烟雲朝暮變紫翠樹楓兼潏動風滿谷渡澄月一
匯景深素秋杪興寄碧峯尖無盡藏真界取之豈
礙廉閒牕日影上書室足清光誰謂山林內而
無翰墨香芸編堪汲古菊節待重陽入畫相應處

千峯卷一房山中杪秋二首己巳九月并書鈐

寶二所寶惟賢乾隆御筆

鑒藏寶璽寶笈三編石渠寶笈所藏

高宗純皇帝御筆中秋帖子詞四疊韻一卷

本幅紙本二幅書幅縱六寸五分橫三尺一寸

御筆行書

四疊中秋帖子詞韻命翰苑諸臣和之有序 秋

中令節從來歌詠之場塞外靈臺自昔豫遊之地
此時此處寧可漠然哉倡載酬堪云暢爾遂令廣
寒法曲音連三十年前肯教翰苑鴻詞格遜四朝

詩後萬家烟火隨民便而無改

堯模千畝山田報歲豐而有愉

任顧雕瓜繪餅塞垣節物增佳抹月吟風山莊慶宵

莫負底須五字輕嗤宋玉老兵仍叶七言可效韓

偓內翰莫嫌頻韻聊紀一時風月湖山廿載開

今朝歌舞不宜刪姮娥也似添豪興早上璇霄暎

碧山最滿冰輪異樣光巖楓皆作桂枝香高低

樓閣湖瀛聖上下淪漣瀑學匡鄒枚扈從集師

師便合賡吟帖子詩翰苑從來紀佳話鳳毛還在

鳳凰池依巖軒齋近水樓此閒不易值中秋他

年試覓新題句應在千峯最上頭乾隆辛未仲

秋避暑山莊御筆鈐寶二萬有同春乾隆宸翰

畫幅縱九寸橫四尺七寸設色畫塞月巖楓

款臣錢維城奉

勅恭繪鈐印二臣錢維城敬事

引首

御書美具仙莊鈐寶一乾隆御筆

卷內分鈐

寶璽

太上皇帝之寶避暑山莊清吟寄遐思半榻琴書寫

心寓意于物

五福五代堂古稀天子寶八徵耄念之寶乾隆御覽

之寶

鑒藏寶璽寶笈三編石渠寶笈所藏